

# Joshua

## *Pariverena*

Wei *bukana* e ririweta da menanare mai Israel i rui au Canaan da rava kampa maemaēi i vovaiubai. Ma nanare e ririweta da mai Israel menanare dobu i ġutanei ai dam 12 awari. Wei *bukanawavana* Joshua aubaina bukana au karena e ririweta da aiwai aubaina da Joshua i terei da mai Israel ai bada, maranai Moses i 'raġe.

## *BADA, Joshua i vinei*

<sup>1</sup> Maranai BADA ana taunola Moses i 'raġe; ma Joshua, Nun natuna ma Moses ana tauagu i riwei,

<sup>2</sup> “Au taunola Moses i 'raġe. Marina mai Israel maiteni ona vokaukava ma Jordan ona damani da dobu a vereveremiana kampa ona ġeta.

<sup>3</sup> Metaui dobuti ae-lapalapami o terei, lamna ina viġarimieġi, Moses wenanare a parivainuaġani.

<sup>4</sup> Ami dobu lamna mutulua Negev da Lebanon; au waira Euphrates (au maramatanei) da mai Hitti ai dobu anatapuna da i ġaira madeġa e arearere lana Mediterranean au bogana.

<sup>5</sup> ✧Eġa aiai ina vobelem bo ina viubaim am au lawana. Tau awarim ana mae, me Moses awarina a kaukaueġi nanare. Tau eġa melanaġi ana tere-ġairem bo ana voterem.

<sup>6</sup> ✧—Parivainuaġana bagibagina a kauēi wei ravai noinoġi maiteni da wei dobuta ana verei. Lamna

aubaina ma virewapana ma tepam ina tora ma am raya ma ruiei wei au dobuna.

<sup>7</sup> Anina ma virewapana ma tepam ina tora; ma nuanuam eġa ina vuru da tarawatu Moses i verem, anatapuna ma voteletelei. Ma ma vojijina-kauei da awarina eġa ma deġa au oiem bo au kelakelaum da aiwai anatapuna e kaukauei ina ai.

<sup>8</sup> Marana patapatai wei tarawatuna ma iaiavi. Ma marai da waguvarai ma vinua-notenotei; wei lamnei tarawatu anatapuna ma aramanei. Mepa da wenanare ma kauei lamna tam ma maura ma nuaiai ġaegaena ma nelaġai kaua au anatapuna.”

## 5

### *Raġona naona au Canaan*

<sup>10</sup> ✧ Mai Israel au Gilgal i mae Jeriko au wapuna. Ma Aupom vi-14-na aubigai nawaravi naona tau i raġona torelana i apui.

<sup>11-12</sup> ✧ Ma ubaubanai ġelauna, raġona au murina, tau i witi au wapu i tuarui ma palawa dabadabai i apui ma i am. Ma ubaubanai ġelauna Manna raua i voterei, tau i wei lamna eġa ita am-melei, ma ai lam wapuei i tuarui. Mai Israel eġa manna ita am-melei, lam ai au doa au dobu Canaan i vaia da i amam.

## 24

*Murjai Joshua ma mai Israel mai Canaan maiteni i viġaiġaiawa, dobu au giana da au giana. Ma dobuna ravai i viraġeni, wate ġelau i eġa ita viraġeni ma maiteni i mae. Murjai Joshua dobu i ġutai Israel*

*ana dam twelve awari. Tau i nae ma ai doa i maeni melagai nonoana mai Canaan i voavoai. Madeḡa maḡamaḡau i kwa ma Joshua mai Israel i vitagogiana-melei.*

*Mai Israel i riwa da BADA ina vitaunolei*

<sup>1</sup> Muriai Joshua dam anapui i ḡorei da au Shekem ita vitagogiei. Maranai kampa i ḡeta Joshua, dogadogara, dam babadai ma melagai babadai i ḡoreiai da ita nae BADA au naona ita mairi.

<sup>2</sup> Joshua rava anapui i riwei i pa, “BADA mai Israel ai God e ririwa, ‘Wariḡa noimi Terah ma natunatuna Abraham ma Nahor waira Euphrates au baba ḡelauna i mae, ma god maḡamaḡau i raraudunelei.

<sup>3</sup> ☆ Wate noimi Abraham nai dobunei a vaitawanei ma i naiei da Canaan doana ana tapuna a viatataiei, ma ana epaepaia a vimaḡai. Ma natuna Isaac a verei.

<sup>13</sup> —‘Tau dobu a veremi ana debagauna ma ana peipeina, doana eḡa ota nolei ma taon gaēḡaei a vereoimi, marina o maemaeni, eḡa ota voai, ma grape ma olive o amam wate eḡa, taumi ota paewi.’

<sup>14</sup> —Lamna aubaina BADA ona voteletelei ma orami taputapunei ona vipatutu. Noinoimi god morumorui kokoitau, i raraudunelei au Egypt bo au waira Euphrates ona kwajiei au modu ma BADA ainelana ona viborumei.

<sup>15</sup> Wate mepa da BADA viborumeina o geduaiei, lamna amadodo ona vine da noinoimi ai god waira Euphrates au baba ḡelauna bo marina ravai ai au

---

☆ 24:3: Gen 12:1-9; Gen 21:1-3

dobu o mamae mai Amori ai god ona nolei. Wate tau au numa ravai maiteni BADA ana viborumei.”

<sup>16</sup> Ma rava i paribelei, “Tauai eġa melanai ai BADA ana voterei ma god ġelau ana viborumei.

<sup>17</sup> BADA ata God tauoina au Egypt i tere-opuneta noinoita maiteni maranai au Egypt ta vilaraga. Ma kua vivirewapanai ma aniba i kauei au mataiai. Ma ai au vaġai manamanaina i painiai dam ġelau au poui da wei au paratana.

<sup>18</sup> Mai Amori ma dam ġelau wei au dobuna i mamae wate BADA aubaiai ravai i viaġaġana-opunei. Lamna aubaina tauai BADA ana borumei, aubaina tauna ainelana ata God.”

**Wedau Mark**  
**The Gospel of Mark in the Wedau Language of Papua**  
**New Guinea**  
**Buk Mak long tokples Wedau long Niugini**

copyright © 2010 Wycliffe Bible Translators, Inc.

Language: Wedau

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-30

---

PDF generated using Haiola and XeLaTeX on 28 Dec 2024 from source files dated 31 Aug 2023

aa19f3e3-98fb-51fa-9c53-3906edc75f11